

Washington a pone fin na convoya bapornan Nacionalista Chinee

Avionnan Comunista a bula riba Quemoy sin incidente

WASHINGTON, 7/10. — Fuentes autoriza na Washington a informa, cu gobierno Mericano a dicidi di pone un fin na e acompañamentu dje bapornan di abastecimentu Nacionalista cu ta bai Quemoy. Merca a tuma e decision aki despues di discusion cu gobierno dje Nacionalistanan na Quemoy. Ayera e Nacionalistanan a hiba cuminda pa e islanan mas chikitu dje grupo-Quemoy.

E representante Mericano na e discusionnan na Warschau probablemente lo hanja mas instruccion di Washington pa determina posicon dje (Comunistanan Chines en conexion cu e posibilidad di un armisticio permanente y fidedigno. Solamente si esey ta posible Merca lo ta dispuesto na insiti pa e trupanan Nacionalista retira for dje islanan-Quemoy, asina a worde informa oficialmente na Washington.

"Un gran error" Mariscal Chen Yi, ministro di asuntunan exterior di China Comunista, a bisa na un recepcion cu si Merca mester considera e suspencion provisoria como un indicacion di debilidad of como consentimentu cu su exigencia pa firma un armisticio, esey lo ta "un gran error".

"Ta queda awor solamente un manera di scipa pa Merca, esta suspencion dje intervencion den asuntunan interno di China y retirada di tur e trupanan Mericano na Taiwan (Formosa) y Estrecho di Taiwan". Pueblo di China ta decidido di libera Formosa y e otro islanan den

cual asunto nan lo no acepta ningun "intervencion estranhero".

Avion Comunista riba Quemoy Como 8 avion Comunista a bula over di Quemoy pa como 10 minuut awe y cayonan anti-aereo a corre cu nan, asina ministerio di defensa Nacionalista a informa na Taipei awe tardi.

Esaqui ta e prome incidente, desde

AIR CONDITIONING

Awe tardi di seis wega di World Series

Awe tardi lo tin pa wegananan di World Series entre Milwaukee Braves i New York Yankees den stadion di Milwaukee di seis wega dje serie di siete. Actualmente Milwaukee Braves ta den majoria cu 3-2. Si nan gana awe tardi anto nan a gana e serie. Si Yankee gan, anto Dia Hueses e ultimo wega dje serienan lo mester truce e decision. Aina no tin sigur quende lo presenta como pitcher awe tardi, pero probablemente e pitcher pa Yankee lo ta Don Larsen i pa Milwaukee Braves Bob Rush.

Texas Furniture Store
voor
Losse meubelen

Verf Van Vettewinkel

CINE
AWE NOCHI
8 DI OCTOBER

DE VEER THEATER
8.30'or Tur edad
"DAVY CROCKETT AND THE RIVER PIKATES"
(DAVY CROCKETT Y LOS PIRATAS DEL RIO)
Cui: Fess Parker - Buddy Ebsen
Fl. 1.25 Fl. 1.00

RIALTO
8.00'or 18 anja
"EL MARTIR DEL CALVARIO"
Cui: Enrique Rambal - Manolo Fabregas - Alicia Palacios - Lluara Rivas
Fl. 1.25 Fl. 1.00

PRINCIPAL
8'or 14 anja
"ACITON OF THE TIGER"
Cui: Van Johnson - Martine Carol - Herbert Lom
Fls. 1.50 Fls. 1.00

AURORA
7.30'or Tur edad
"MAN WITH THE STEEL WHIP"
(EL LATIGO DE ACERO)
Cui: Richard Simmons - Barbara Bestar
Fls. 0.50 Fls. 0.50

SAVANETA
7.30'or 18 anja
"THE DISEMBODIED"
(LA BRUJA DE LA SELVA)
Cui: Paul Burke - Allison Hayes
Fls. 0.50 Fl. 0.50

cu China Comunista a anuncia cu el a dicidi di stop di tira pa 7 dia.

Ministro Dulles, quende a bolbe Washington awe di un weekend largu, a declara, cu segun su opinion henter mundo lo condena China Comunista si e mester cuminsa ataca region di Formosa Dia Luna atrobe. El a bisa cu despues cu nan a bombardea Quemoy incesantemente pa 6 siman e Chinesnan Comunista ta bisa awor cu nan ta muntra nan sintimento humano y nan deseo di paz, door di cu nan ta stop di bombardea e lugaman ey pa 1 siman. Merca a hazi tur loque e tabata por pa larga

e bombardeonan aqui stop. El a bisa cu e ta convenci cu mundo lo condena e Chinesnan si nan cuminsa nan ataque atrobe.

Dulles a nenga di contesta preguntanan di periodistas. Un portavoz di State Department a declara, cu aparicion di avion Comunista over di Quemoy durante un periodo di tempo cu no ta tira por worde considera un provocacion, pero esey no quier mone cu e armisticio a ser viola. Ta logico cu e cayonan anti-aereo Nacionalista a tira riba e avionnan, y esey tampoco no ta violacion dje armisticio.

Conferencia di diplomatonan na Willemstad

Awe minister Luns ta yega Corsow for di Merca

(Di nos corresponden na Willemstad)
Conferencia cu prensa na New York

Segun noticia cu nos a ricibi di fuente amical bon informa, Minister Luns lo yega Corsow awe tardi pa banda di seis or. Durante un conferencia cu prensa na New York minister Luns a expresa manera ta conoci di dje abiertamente y papiando cu solamente haciendo uso un biaha asina di notanan cu e tabatin serca dje.

El a bisa cu lo e queda Willemstad te Dia Luna awor pe sigui pa Paramaribo pa cerra conoci cu e gobierno nobo aya, y 16 di October e mester ta na New York pa algun discusion, saliendo pa Hulanda 18 October.

Minister Luns a participa cu su permanencia na Willemstad na ta dedica solamente na conferencia cu e representantenan diplomatico Hulandes na e paisnan Sur-Americano, pero tambe pa e hiba discusionnan profundo tocante problemanan manera por ehemplo un mercado comun tocente di cual manera ta conoci, ta existi cierto intranquilidad di parti Sur-Americano y Antillano.

Statuut taube na discusion El a pone enfasis riba e oportunidad pa cambio di idea respecto Statuut cu e dos minister-presidentenan. Pesei e combersacionnan lo no queda limita unicamente na asuntunan formal. E minister ta opina cu su permanencia durante mas cu tres siman na New York tanta masha util door cu e tabatin ocasion amplia di combersa cu tur su coleganan.

Situacion mundial E minister ta considera e desarollonan den dje asunto di Estrecho di Formosa y e actitud Americano como un aliviamentu di e crisis a consecuencia di actitud di UNO combina cu e opinion publico su influencia. Minister Luns a bisa cu Hulanda tin comprension completo pa e punto di vista Americano cu respecto na Lehamo Oriente. En vista dje relacion

famoso pa cu Japon, Minister Luns a discuti e conexion aereo cu ta bai tuma lugar denter di algun siman via di Noordpool entre Amsterdam y Tokio, y e Minister ta contento cu esey.

El a bisa cu ta existi un masha bon moodu di parti dje miembronan di UNO pa cu Hulanda gracias na e manera cu S.E. Schuurman ta dirigi e delegacion permanente.

Carlos Rojas a yega Madrid

MADRID, 7 oct. — Carlos Rojas, yiu homber di e ex-presidente di Colombia, Gustavo Rojas Pinilla, a yega Madrid. E tabata na Las Palmas riba e islanan Canarias. El a nenga di hazi ningun declaracion na su yegada na Madrid.

Parce entre tanto cu e ex-presidente no quier bolbe Colombia en berdad, manera e tabatin intencion di haci. E ex-presidente tambe ta na Madrid y aparentemente e tin intencion di bai Colombia via Frankfurt, pero cada bez e ta pospone su biahe.

Irak a ricibi avion Ruso

BAGDAD, 7 oct. — Radio Bagdad a informa, cu Irak a ricibi 19 avion di reaccion MIG Ruso, como parti di plannan di Irak pa fortifica su farsa aereo. E avionnan tabatin e marca di reconocimientu dje Republica Uni Arabe.



Mary Morla, 18, Manchester, N.H., un dje cantantes dje recien contest pa Miss America, tumando esu prome paso pa e ambicion bira un realidad, juro cu den investigacion pa curamentu di e...

BASEBALL
AWE NOCHI
WILHELMINA STADION
PA 8.00'OR
Nesbitts vs. Chesterfield
ENTRADA solamente f 0.50

Relato di Polis

E la baha malu

ORANJESTAD. — Dialuna polisnan a mira eon nan ta carga un homber herida hiba pa San Pedro Hospital. Investigacion te trece na claridad, cu D.G. e perse na en cuestion, a hanta un lift cu truck di A. Ora cu esaki a para cu Alto Vista pa G. baha, parse cu G. a calcula malu, y a hanta un mal caida. Probablemente e la kibra wesu den su hip. Na hospital nan ta observando e actualmente cu hopi wowonan preocupu.

FATUM — Tel.: 1845
Pa tur ha aseguronan

Hanja y perde

E. van Dikter di Keikstraat 6 a hanja un cartera bashi, color maron di cuero den Rialto Teatro. Aparon temiente e denjo a gasta su ultimo cent pa e la compra entrada di cine aregla di tal manera:
Eun di E. Jonckheer pa Mr. S. W. van der Meer;
Eun di Mr. S. W. van der Meer pa E. Jonckheer;
Eun di J. E. Vrausquin pa Financia pa F. J. C. Beaujon;
Eun di C. D. Kroon pa Asuntunan Social i Economico, Ensejanza i Volksontwikkeling;
Eun di F. J. C. Beaujon, Ministro di Trafico i Transporte i Sanidad Publica.

Cumizando cu e mes fecha menciona substitucion di cartera di ministronan den caso di ausencia of estorbo to aregla di tal manera:
Eun di E. Jonckheer pa Mr. S. W. van der Meer;
Eun di Mr. S. W. van der Meer pa E. Jonckheer;
Eun di J. E. Vrausquin pa Financia pa F. J. C. Beaujon;
Eun di C. D. Kroon pa Asuntunan Social pa E. Jonckheer;
Eun di Asuntunan Economico pa J. E. Vrausquin i pa Ensejanza i Volksontwikkeling pa F. J. C. Beaujon;
Eun di F. J. C. Beaujon pa E. Jonckheer. (RVD).

Middelenstaat di Januari te Juli

ORANJESTAD. — Nos a ricibi Middelstaat di Eilandgebied Aruba cu e especificacionnan di estradonan di Eilandgebied durante periodo di Januari te Juli 1958. Durante 1958 segun estimacion mester a worde ricibi f. 19.024.433. Entrada durante e prome siete lunanan tabata f. 11.379.828.61. Tumando na consideracion cu di varios belastingnan ainda un gran parti ta pendiente pa cobra, anto Middelstaat no ta mucho mal para.

Nombramentu di oficialnan pa Cruz Roja

ORANJESTAD. — Entrante 1 October 1958, sra. J. J. Harting-Runkke, arts. na Aruba, a keda nombra como "Comandante Helpsters-Afdeling" den rango di 1ste luitenant, mientras senor J. C. Oduer ta keda nombra como "Toegevoegd Officier in algemeene dienst" pa e Colonne di Cruz Roja, na Aruba.



Diadurningo anochi tabatin gran fiesta na cas di senor J. M. Leonardo y esposa, kende riba e dia aki a recorda e hecho di 25 anja di nan enlace matrimonial. Un gran cantidad di invitadonan a asisti na e fiesta aki, entre otro deputadonan, miembronan di Statenraad. Asina e popularidad enorme dje fiel miembro di Eilandraad di Aruba aki a warde demostra claramente es anochi aki durante e fiesta. Tabatin un orkesta pa ameniza e partida y gran surtido di bebida y bocadillo. Riba e foto aki nos ta presenta e feliz pareja den compania di nan jiuana y tambe mama di senor Leonarda huntu cu nan.

Dennis, de Schrik van de Buurt



"Wat zeg je van ons nieuwe clubhuis, mams?"

"Con bo ta hanja nos club nobo, mai?"



BAAS TOMMY




y su amigonan di Arubaanse Courant

Ciencia y Aventura

DESEONAN DI AYERA....

Kanaal di Bordeaux pa Sète



Den hocki ariba, vista dje plan pa traha e kanaal di Bordeaux pa Sète... un banda tamando di bapor cu lo por a pasa via e kanaal aki, si e planan a bai door.

Si nos menciona Panama-kanaal, tur hende sa mes ora ta na unda, pasobra e la bira un lugar masha conaci. Tambe Suez-kanaal na ta zona mucho stranja den bo ote, pasobra algun luna pasa tur corantnan tabata yen di noticia di Suez-kanaal, cu bapornan di zeta cu no por a pasa etc.

Pero e biaha aki nos lo scirbi algu tocante un kanaal cu no ta asina tanto conaci, en realidad nunca a existi, unicamente riba planonan y den ideanan. Na anja 1875 algun ingenieros a propone pa coba un kanaal pa uni Bordeaux cu Sète. „Kanaal di dos laman“.

E kanaal aki lo a hanja un largura di 393 km. Eski ta un poco mas cu 13 biaha Aruba pega na otro den su largu-

mester paga un tantu placa pa nan pasa.

Tambe e kanaal aki lo a haci e via di laman di Bordeaux pa Middellandse Zee considerable cortico. En realidad, e bapornan no tabatin mester di pasa rond di Gibraltar mas, pa e bapornan cu mester haci biahnanan cortico, esaki lo tabata un gran ventaha. Pero pa bapornan cu mester haci biahna di mas di 20.000 km. por ehemplo di London pa Japan, e kanaal lo no a duna tanto

probecho. Tambe e Inglesnan a preferi di pasa rond di Gibraltar y no paga un cent pa pasa den e kanaal. E kanaal aki lo a hanja mas di 14 sluis.

Na scol bo a sinja kiko ta un sluis, manera divisionnan den kanaal pa regula e nivel dje awa. Pa traha e sluisnan aki ta costa masha hopi placa, tambe e ta demora viaha dje bapornan basta hopi. E kanaal di e dos lamanan ainda ta un deseo, y probablemente lo keda esei tambe.

e ta mas flaku y mas chiki cu tur su rumannan. Riba un bon dia sima na mesa, e asuntor aki a bira mas terribel cu nunca: tabata durante anja 1952, nan ta comiendo spaghetti, y e tata a bisa na tur su jiuinan bon apetit, tur e muchanan ta contesta, bon apetit papa. Prome cu nan pensa, Luciana a caba cu su tajo, e ta mira tur rond, y su mama ta puntra si e kier un mas, si e ta contesta, pero di dos tajo tambe ta caba, prome cu e otronan caba cu, nan prome tajo, asina e ta keda lombra wowo, y di tres tajo ta bai ratu despues y spaghetti ta caba, weja den cushina a keda bashi, y mama a pasa mitar di su cuminda pa Luciana.

Toch despues di esaki Luciana ta keda mira tur rond, cumisa jora, e ta jen di hamber ainda! „Madre mia, e tata ta bisa, laga nos hibe na dokter.

Nan ta pasa hopi dokter, y Luciana ta keda basta siman largu den hospital, pero nan no por descubri e fout di Luciana, y e ta come ketu bai masha hopi. E tata ta traha cu un contratista y tur su sueldo ta bai na cuminda so. Varios tienda den nan pueblo nan debe caba sin tin moda di paga. Cuminda no ta suficiente pa Luciana!

Por fin na Milano un dokter moher, masha afama ta descubri, cu Luciana su tripa ta extra grandi, mas gradí cu di un hende grandi, y motibo cu e organonan na ta traha manera mester ta. Pero tampoco

nan no por haci nada cu ne ainda, te ora cu e haci 12 anja. E tata, Vittorio ta pone man na cabez, e jiu ta gaste como 20 florin pa dia na carni, arroz y fruta, y e mester come, sino e ta muri.

E dokter ta recomenda pa dune hopi carni tur dia, tambe pera ta bon, y cu e recept aki pover Vittorio ta bolbe na su pueblo. Poco siman despues placa ta caba. Preocupa e tata no sa kiko pa haci mas, e ta bai serca President na Roma, pero esaki no ta atende, pasobra nan no tin tempo, e ta bolbe na su pueblo y ta bai serca burgemeester, esaki un homber di consenshi ta judele tantu cu e por, pero ta placa di comunidad, placa dje otro muchanan pa schoolnan etc., pero di tur manera e ta juda Vittorio, te ora riba un bon dia e placa aki tambe ta caba, y burgemeester ta splica Vittorio cu ta su tempo e ta perde, busca judanza otro caminda awor. Mientras tanto Luciana a cumpli 9 anja, y ta falta tres anja ainda, prome cu e por worde opera na Milano.

E tata sin ningun recurso ta bolbe bai serca e burgemeester, y ta perde control, ta dal e burgemeester dos klap, polisan ta jega y ta arreste mes ora. Awor ta peor, pasobra ni e poco placa di trabao no tin mas, tata Vittorio ta den prison. E mama ta busca un trabao di laba panja na casnan di oro hende, pero mester stop pronto, pasobra

no tin hende na cas pa cuida e muchanan. Pero un biaha mas „corantnan“ ta trece salbacion, mes ora cu Vittorio a hanje den dificultad, nan a cuminsa publica e historia, y un corant ta copia di otro, y pronto di tur banda ayudo tabata drenta.

Ta drenta un cheque di 500.000 lire, di e prefect di e pueblo caminda nan ta biba, y cu respondi cu si mester di mas nan lo manda mas, pero por lo menos Rosa, e mama, por cumpra cuminda pa algun luna pa Luciana. Asina a bini salbacion pa e familia, cu e jiu cu tabatin un hamber cu no ta caba nunca, y cu casi a ruina e tata, mama y su otro rumannan.

En... MESKER maakt mijn MEUBELN

Harimentu ta bon pa tur hende!

Maestro di school: Bo tin tres appel y dos pera. Bo ta come dos appel y un pera. Kiko bo tin ainda?

Trucuey: Mi tin un bon apetit pa come e restonan tambe, maestro!

Maestro: Trucuey, pakiko e Israelitanan a traha un bishe di oro?

Trucuey: E ta duna un ratu y flap... pasobra nan no tabatin suficiente oro pa traha un baca, maestro!

Susa: Awendia un aviador por hacil tur loka un pajara por haci.

Rika: No ta berdad! Tin un cos cu e aviadornan no por haci.

Susa: Asina! Ta kiko anto?

Rika: Camna riba un waya di telefon y fluit a la vez!

Mama: Janchi, b'a pidi dispensa ora cu bo a traha e dama su pia?

Janchi: Si, mama, y m'a hanja dos placa pasobra e di mi tin respel.

Mama: Y kiko b'a haci despues?

Janchi: Bolhe trapa su pia dos tres biaha mas pa hanja mas placa...

Test bo mes... Con liher bo ta?

Un tata y su dos jiuinan ta bai haci un keiru. Despues di a camna hopi nan a jega na un rio, pero no tin brug pa nan cruza e rio aki. Despues di a busca basta ratu nan ta descubri un boto mara cantu dje rio. Pero ki boto? Chiki, grof, sushi, y un bon boto pa... sink.

Awor a jega e momento adecuado pa duna bo algun dato teoreticamente:

Peso dje tata: 100 kilo

Peso dje jiu: 50 kilo.

Peso dje otro jiu: 50 kilo,

— nan ta morocho

Capacidad dje boto maximal: 110 kg.

Kiko nan lo haci awor? Camna tur e caminda largu trobe bai cas, mama na cas lo bira preocupá, y nan lo mester tende basta papamentu den nan cabez ora cu nan jega cas asina laat, of nan lo logra cruza e rio aki cu e boto cu nan tin disponible, sin cu e boto hanja oportunidad di mustra capacidatnan manera un submarino?

Awor pa colmo ningun dje tres personanan sa landa, ningun tin un cabuya tampoco, no tin posibilidad pa hanja yudanza di ningun hende tampoco. Unico hende cu por yudanan ta bo, mi amigo... Kiko lo bo sugeri nan pa haci??

(Contestacion correcto den nos edicion di diarazon awor, corda existi bo corant, pronto lo tin „bon noticia“ tambe, keda pendiente di esaki.)

WARENHUIS v.d. REE

pa tur sorto di

COS PA HUNGA

E surtido mas grandi y mas completo di

Cos pa hunga

ta (naturalmente) na

LA LINDA



Aguila Gris y Dakota Bill

(Pa muchanan mas grandi)



No. 2

Nos a keda na unta Aguila Gris ta acepta e encargo riba su mes pa bai averigua ta ken ta e persona cu ta insiga e saldanan pontra nan tribu, mientras nan ta haciendo tur posibel pa mantene paz cu e blancunan. E ta busca hopi y porfin e ta hanja spoor di un grupu di bandida desfraya na indian. Pero prome cu e ta luma e mas axion e ta recorda e muchanan y palabranan di su grandinan ora cu e ta acepta e encargo...

„Aguila Gris ta bolbe como guerrero, papa gran sabio“, e hoben ta segura su majornan jen di respet. Y e lider biew ta comprende mesora, cu Aguila Gris lo prefera di muri, cu bolbe sin cumpli cu su mision.

Ta dura basta prome cu e hoben indio ta hanja e lastro nan cu e tabata busca, pero una ves cu e la hania nan awor, e no kier corre e riesgo di perde nan trobe. E tabata riba spoor fresco y mester paga masha cuidao. E ta completamente prepara, ora cu su cabai ta hala rosea grandi, manera cu e la sinti otro cabai den vecindario, prome cu e pony haci boroto e ta bula bao,

tapa su nanishi, y back dos tres stap, te ora cu e la hanja un bon lugar pa mara su cabai y ta sigui na pia. E la jega na fin dje spoor. E ta pasa man pa su hacha y su cuchu y poco poco e ta slup bai caminda cu e la sinti holo di huma. E bandidonan tabata morto na sonjo rond di un candela cu tabata casi paga. Un di nan ta gana su mes cu e ta haciendo warda, por lo menos e mester ta haci warda, pero cu un pipa paga den su boca e ta morto na sonjo tambe. Mirando asina na prome bista, lo bo pensa cu ta un Dakota ta sinta ei, cu e plumanan den su cabai y panja di indian bisti. Pe-

ro e ta keda mescos cu un baca ora cu e bisti un sombre. E roncamento di su amigonan mientras tanto a spierde for di sonjo, y e ta lamta para, hinca poco palu den candela, pega su pipa, gasta casi un paki di swafel, y ta waak tur rond mitar suf. Durante basta ratu e ta waak den candela su dilanti, cual ta saca vlam awor, motibo cu ora waak den secur e lo no por mira nada. Pero por lo menos e por a sinti zonido y e lo a sinti eon e jerbanan tras di dje tabata move. Ora cu un man fuerte ta choke y hale patras e ta pensa cu ta munda a caba pe, y ta logra dal un grito duro, loke por lo menos ta scapa su bida, pasobra net e indio tabata bai pone e cuchu den su pechu. Su companieronan, custumbra caba den bida di mondi aki, ta bula lamta mes ora cu arma den nan man. Un pistol ta zona, y e hoben Dakota ta sinti un bala fluit pasa banda di su orea. E la laga e homber cu e tabatin tene los, y ta corre drenta den jerbanan nera, na boca e bandidonan ta tira riba, pero ningun bala no ta bula. E ta keda den un to den jerba, te ora cu e bandidonan ta cultra un poco.

Un zonido manera un bien-tu duro ta avisa e bandidonan di cierto peliger, pero pa un di nan tabata laat caba, e ta hanja un flecha den su schou-

derblad y ta cai na suela, mes ora cu un grito manera un animal feroz e indio ta rancia e careda riba nan y ta sorprendi nan completamente. E prome cu e ta hanja den caminda ta hanja un klap cu su tomahawk y e ta expresa un grito cu ta pasa door di bo wesonan, e la kere caba cu e indio ta bai scalpeer e, y ta kita eai foi tino. Su grito tremendo a bruhu su amigonan peor, nan a spanta asina tantu, cu nan a dicidi di corre limpi bai sin pensa pa defende nan otro amigonan cu ta na suela of sin pensa mas riba bringamentu. Nan ta bon clase di criminal, pa mata hende den lomba, pero ora cu tin un pelea legal, esei si no ta cumini nan!

Aguila Gris ta sigui nan un ratu, pero afin di dicidi di laga nan corre numa, y ta bai percura pa e dos prisioneranan.

Aguila gris ta considera kiko e lo haci cu su prisioneranan. Scalpeeran? Esaki e no ta haci, ademas scalpeeran di poco coharde manera esakianan no tin ningun valor pa un guerrero respeta. Lo bo scalpeer un enemigu cu bo a vence den un combate igual, un enemigu cu tabatin eurashii, y su scalp ta keda como un trofeo, un recuerdo. Pero nunca e la scalpeer ningun hende ainda, mescos cu barios dje otro guerrero hobennan. E ta bai caminda su cabai ta ma-

ra pa busca poco repi di cuero cu e tin den su tas, pa mara man cu pia dje dos tercionan. Esun cu el a dal manda flauw e la mara den un ratu di ora. Awor e ta bai paga atencion na e otro herida. E ta saca un zalf cu e tin den su tas tambe, y ta hunta riba e herida, e zalf aki lo mester ta hopi fuerte, pasobra e homber ta grita manera ta su ultimo ora a jega. Pero mes ora e homber ta keda ketu, despues cu e zalf a cuminsa fria e dolor. Ni un verpleegster lo a paga tantu tin no asina manera Aguila Gris, pero no kere cu e ta haci esaki pa sintimentu como humano. No, por lo menos pa e bandidonan aki sigur cu no, e lo a preferi di dal nan un hacha den nan cabez caba cu nan. Pero e tin motibo mas mihor pa tene nan den bida. Y e bandido herida tambe ta comprende su intensionnan, pasobra e ta cuminsa ta paria cu boca dushi, priminti Aguila Gris tur sorto di cos, pero di oro, pa no entregue na e indianan, na nan no rone na martelpaal. Pero e hoben indio ta lage nopia numa, sin pone ti no n'e.

Di tantu accion den ultimo oranan e la hania hamber i sonjo, pero prome cu e bai drumi e la controla rond di su campamento como un ora largu pa e tabatin seguridad cu no tabatin ningun peliger. Aparentemente e otro bandi-


donan lo a corre bai hopi leu. Tranquilo awor e ta kita silla di su cabai y ta laga e cabai camna los, no ta necesario pa mara esaki, di mes e ta keda den vecindario, ademas sin tin cualkier peliger e ta avisa Aguila Gris door di jega serca dje y dale cu su cabez of su pata.

Di dia ta habri y bon des-cansa Aguila Gris ta lamta y y tuma su desayuno, cual ta consisti di algun tapushi di maishi, y dos pida carni sala y seca den solo — pemmican, algun slok di awa foi den su veldfles. Su pony ta bini acerca y ta pasa rancia un pida maishi foi die. E bandido herida tabata tira maldicion links rechts na direccion dje indian.

Awor cu claridad di dia Aguila Gris por observa e bandido mas bon. Ainda e tabata bisti e plumanan di indian den su cabai, cu e plumanan tur di un banda y tira den su cara, y berdaderamente e tabatin gana di hari dje bista comico ei. E mascarada aki lo por ganja un hende di un destancia, pero di acerca apenas e por a ganja un mucha. Pa cumisa ningun guerrero lo bisti e pluman dje manera cu e bandido ta bistinanan, asina e moher indianan ta bisti e plumanan mara den nan cabai.

Aguila Gris a keda waak e un ratu, y despues ta dicidi di listra den su sacunan. E bandido ta strobe tanto posibel, pero e indian tin forsa.

(E ta sigui)



„Wanté asina, senjora... Asina ei e sonrisa ta suficiente grandi“.



Di norte di Sacia, na unda ejercito die pais aki ta mantene un scol pa adiestra-
mento di cachonnan, na Guza poco dia pasa a lega cuater dje cachonnan aki cual
specialmente a worde adiestra pa discubri presencia di minanan scendi y pa duna
servicio na Forzanan di Emergencia di Naciones Unidas (FENU). Riba e portret
aki nos ta mira un solda hoben cu un dje cachonan. Asina cu e pone e harnas na
e bestia, esaki sa cu e mester ta cla pa bal traha.

LESA ARUBAANSE COURANT

PAGINA TRES

Estado Di Salud Di Papa Pio XII Ta Algo Mihor

ROMA. — Segun e agen-
cia di prensa di Vaticano Pa-
pa Pio a pasa un anochi tran-
quil. Su salud ta mejorando.

Circulonan autoriza a infor-
ma, cu e strobacion den circula-
cion di su sanger ta un forma
di trombose. Papa casi no
por papia y e no por come ca-
minda duru. Actualmente e no
ta den peliger, pero su estado
ta keda serio, asina e circulo-
nan aki a bisa.

OFICINA MARITIMA
DE ARUBA
Tel. 1622
Mudanza

Desa e Catedral di Westminster na
Londen, centenari di hende a bai
un di milia cuater mil aña. E
Catedral di Westminster na e
Exposicion Mundial na Brussel nan
a bai oracion especial pa Papa.
Awe mañan e obispo di Tames y
Lourdes lo dedica un misa especial
den e gruta di Lourdes.

E profesor di unologia, Prof. Min-
guzzi, a bisa, periodistanan, cu
estado di salud di Papa ta duna spe-
ranza. El a mustra dje resultadonan
di un verstoping di diar, loke siem-
pargo no quier trega cu e no ta den
peliger mas. Pero e por corda y
papa ayora.

E profesor a bisa cu Papa ta baya
dificultad den comento di compo-
sicio y cu el lo no bolbe Roma den
e dianan cu ta bini. Un boletin medi-

cal oficial a confirma e mejoramiento
awo mañan.

E boletin aki a mustra tambe cu
temperatura di Papa ta normal, 37 gr.
y cu su respiracion tambe ta nor-
mal.

Ayora nochi el a cuminsa hiki pero
esey a stop awe mañan, asina e
boletin a bisa.

TA BERDE?

— Un mucha di cuneco na Merca
cu a bai cu su tata pa di prome biaha
New York, a hante ta subi ya te na
di binti piso di un rascacielos, y wel-
tando e gran distancia cu nan tabata
bali subiendo ketu bai, el a drel puntra
e tata bon spant: — Pero Papi, nan sa na cielo cu nos
ta biniendo?

ST. THOMAS TA TUMANDO REVAN- CHA FUERTE RIBA TIVOLI CLUB

ORANJESTAD. — Foi dia 29 di
September casi tur anochi un comba-
te entre miembronan di Tivoli y di
St. Thomas. Den e comba-
te, cu a durar 20 minu-
to, St. Thomas a gana un revan-
cha fuerte riba miembronan di Tivoli.
E comba-
te a durar 20 minu-
to, St. Thomas a gana un revan-
cha fuerte riba miembronan di Tivoli.
E comba-
te a durar 20 minu-
to, St. Thomas a gana un revan-
cha fuerte riba miembronan di Tivoli.

Un bon ventaja St. Thomas a hiba
caba durante nan prome encuentro
di dia 29 di September u.p., ora cu
nan a gana tur e seis partidonan di
señal y a hanta tres ora 24 punto
contra 0 di Tivoli.

Siempre ta tabata weganon di
ping pong entre damanan. Aki nan
a gana dos dje tres partidonan. We-
ganon di bilhar dia 2 di October a
duna Tivoli pa prome biaha poco
punto bon den nan man. St. Thomas
a hanta unicamente cinco punto y
Tivoli 19 punto. Hensengymnastiek
un anochi despues tabata otro gran-
doso victoria pa e hendenan di
school: St. Thomas a gana trobe cu
24-0. Diasabra dia 4 di October we-

ganon di tennis a cuminsa, por lo
pronto un partido, cual a worde biaha
na Tivoli. E prome encuentro di
volleyball dialuna anochi entre Tivo-
li y equipo di St. Thomas tabata otro
triunfo pa e instructornan di nos mu-
chakan.

Lesando ariba e lector atento a
nota mes ora cu chensnan pa Tivoli
no ta mucho di gaba. Pero completa-
mente sin speranza nan no ta tampo-
co, pasobra ainda tin varios encuen-
tro mas riba programa! Tennis —

caballeronan singel y dobel — ayera
pochi, awe nochi pa 8.00 damas y
caballeros volleyball, majan anochi
tennis — damas y caballeros singel —
y bridge. Diabierna anochi ping pong
pa caballeros y afian Diasabra e en-
cuentro grandi di voetbal como ter-
minacion di nan combatanen. Asina
cu por tin hopi cambio ainda.

E biaha aki trobe e encuentronan
lo worde termina cu un fiesta den
Tivoli Club pa e miembronan di St.
Thomas y di Tivoli. E fecha lo wor-
de anuncia despues.

Posiciones den e torneo di hubileo di Estrella

ORANJESTAD. — Den edicion di
ayer e torneo di Estrella a sali cu un
poco vagabundo.

Aki nos ta raporta di nobo:
E prome resultadonan uje encuen-
tronan, cu a worde organiza door
di Estrella na ocasion di celebracion
di su 10 aña di existencia ta como
siguiente:

Diasabra atardi tabatin weganon di
futbol pa junioren: La Fama Jrs. a
gana San Nicolas Jrs. cu 1-0 y Es-
trella Jrs. a gana Jong Aruba Jrs. cu
2-0. Siguiendo dia den e finale en-
tre La Fama Jrs. y Estrella Jrs. e
encuentronan di hoedklasse pa fu-
bol diadomingo a worde hunga entre
La Fama y Estrella y a worde gana
pa Estrella cu 2-0. Un match e mes
un dia entre un seleccion di Noord y
un combinacion di Trappers y Es-
trella di Santa Cruz a termina indeciso
cu e score di 0-0. Doeltrappen a ha-
ci Noord sali ganador na fin.

Semper fresco, semper barata
y siempre kwal.
KEES GROCERY N.V.
Tel. 1979

Cumpleaños feliz

Pa cortesia di

Mario

— nos tin tur cos pa bo fiesta —



E hobencito Marco Valentino
Janga ta cumpli su 3 aña di feliz
existencia. Felicitacion ta bini di su
tata Pascual, mama Maria, rumannan
Selma, su wela y welan, omo y tan-
tanan y especialmente di su madrina
y padrino y conocirnan.

E hobencito Mario Siede ta celebra
su 7 aña awe y ta ser felicit pa su
mama, tata, rumannan Willem, Sesar,
Ana, Aida, Freddie, Edwin y Tina na
Hulanda.

Senjora Ramona Kock ta ser recor-
da riba su fecha natal. E ta ricibi fe-
licitacion di su esposo Chito, su 13
junian, especialmente di Francisca
Tromp, tambe di suegra Magdalena,
familianan Kock, Tromp y Kelly.

E caballero Bruno Rasmijn, kende
ta cumpli 20 aña, ta ricibi hopi fe-
licitacion di su tata Feliz, mama Alci-
da, tur su rumannan Roberto, Maria,
Irma, Olga, Mai, Jojo, Ireno, Max,
Jacinta, Vicente, Irena, Olga y su dos
sivanan Pascual y Francisco, omo y
tanta y tur su amigo y conocirnan.

Bo mester di un regalo
pa bo novia??

MARIO'S
tin PERFUME

E hobencito Aida Paskel ta celebra
su 8 aña di feliz existencia. Felicitacion
ta bini di su tata, mama, rumannan
y tambe di su tantanan y omonan,
y especialmente di Truda, Fedi y
Fredy Croes.

Ta celebra nan 6 aña di feliz bida
matrimonial Senjor Leo Mario Go-
mez y Sra. Dora de Gomez. Felicitacion
ta bini di nan junan Marilyn,
Socia, y Astrid, tambe di familia Hi-
dalgo y familia Gomez, di comar Ra-
mona Tromp y Theodoor Tromp y
familia Ridderstap y demas familia
na Venezuela.

Senjor Virgilio Kock ta cumpli an-
ja awe y ta ricibi hopi felicitacion di
su familianan y tambe di su jiu Hu-
bert Anthony.

Awe ta recorda nan fecha natal: S.
Tromp, Bibi Hernandez, Syro Her-
nandez, Jacques Schenker, Pipy La-
cle, Brigida Rosa Thijssen, Brigido
Benito Hernandez, Rolando Curiel,
Salomon Bernabela, Eloira Dania,
Leo Gomez, Brigilio Kock, Mario
Gomez y Dora Gomez.

Saboria un glas di Cerbez
sin igual....
...ORANJEBOMBIER....

Revitalize Your KIDNEYS

Feel Younger—Look Younger

Nothing ages man or woman more
than aches and pains caused by bad
kidney action. This makes you suffer
from Strong Cloudy Urine, Getting Up
Often, Burning, Itching, Pains, Dis-
eases, Rheumatism, Backache, Leg
Pains, Circles Under Eyes, Swollen An-
gles, Loss of Energy, etc. Cystex
helps you clean and purify your blood
of acids and poisons now creeping into
your joints and muscles. In 24 hours CYS-
TEX kills kidney germs, strengthens
kidneys and expels acids and poisons.
Get Cystex from any chemist or phar-
macy to put you right or money back.
Act now! In 24 hours you will feel better
and be completely well in a week.

...Cystex
for Kidneys, Rheumatism, Bladder

Bo adres
pa entrega di:
* W.C.
* Instalacion
completo
di tuberia
* y reparacion

Fa. K. Loonstra
Tel. 1575 - Dakota

Verf Van Vettewinkel

GRANDIOSO FERIA NA CLUB
BONAIRIANO

diahuebs 9, diaherne 10, diasabra 11, diadomingo 12, dia-
sabro 25 y diadomingo 26 di october proximo vendiero.

Hopi atraccion
bunita, manera:

♦ Rad van Avontuur cu premionan bunita
e.o.: retour K.L.M. Aruba—Bonaire.

♦ "Misteria di Bagdad" (muchu moher di
12 aña den was di 30 cm.)


♦ Muchu moher sin cabez.

♦ Tcuwtjetrekken y hopi otro cos mas.

A worde percura pa un bar bon surti cu platonan Bo-
nairiano. Tur hende ta bon bini, tur bishita e
"WONDERFAIR" aki.



OFERTA SUPERSENSACIONAL DI MESKER!!



Gracias na un compra ventajoso nos ta
den condicion di por ofrece un lote di
Stel di Sala Americano

PA UN PRIJS DI GANGA.
Por ejemplo:

Un set di tres pieza

(sofa y dos sillón)
PA UNICAMENTE

fls. 398.— (cash)

Esaki ta un ocasion cu no sa presenta tur ora y e prijs
sumamente abao aki ta valido solamente durante lu-
na di October!!

Probecha - bin mira awe mes ainda!

Nassaustraat 7
Telefoon 1325

MESKER

Un matrimonio pa salvacion pa TUYUCHI.

No. 10

Tabata dia 5 di Juni i Lord Nor-
wood cu tabatin lunanan, caba na
Paris, a anuncia su regreso pa dia 7
di Juni.

De la manera cu ainda Armin
tabatin dos dia mas pa dicidi di su
suerte i tambe di suerte di su familia,
pero e no por a dicidi. Amor i honor
tabata en lucha den su interior con-
tra felicidad i conservacion di su bon
nombre i di Lancedene. Den ningun
lado e no por tabata tranquilo. I como
ultimo recurso el a bai busca alivio
den su club. Pero aya tambe e mes
intranquilidat tabata persigue.

Mientras e tabata bahando e trapi-
nan dje club e portier a sali contre
diciendo:

"Un senjora a bin puntra pa bo
aqui i e no quier a duna mi nom-
ber, pero el a queda ta spera mi afor.
Of tambe e dici cu lo e bolbe".

"No tabata Lady Ryeburn?"

"Ni, mihor, tabata un senjora
hoben".

E conde a sigui ta haha e trapi-
nan, su muhe, como e mes tabata
queriendo vestibulo, el a mira un
shers i foi esaki a baha un senjora.

Mirando esaki, tabata como si fuera
terra a abri bato di su pianan i solo
a cai den espacio.

E cara cu el a mira tabata di Car-
men, su muhe, como e mes tabata
queriendo prome cu el a hanta e otro con-
viccion. E tabata mira awor e mes
cara cu el a hanta e otro conviccion.

E tabata mira awor e mes cara cu
el a mira e dia na Lisboa pa di prome
bez den bentana dje casita.

Pa un momento ningun di dos no
por a expresa ni un pla di palabra.
Te na momento cu e lord a extende su
brazanan i a bisa:

"Ta bo t'ai, mi adorada... ta bo
mes, realmente i berdaderamente?
Apenas mi por quere mi bistanan!"

Qui un cara hechicero tabata brilla
den luz di solo, den luz di diat E
wowonan negro i brillante tabata de-
monstra un dulzura sin igual i su
labionan rosada tabata tembla mien-
tras e tabata papando.

"Mi ta Carmen... bo muhel?" asina
el a contesta. "Mi no por a domina
mi mas i m'a bin busca bo. M'a haci
bon?"

"Masha bon, mi querida di mi
curazon".

I awor manera un relampago a
pasa den mente di e lord ta quico
a socede respectu nan matrimonio
invalido i e tabata sinti pa su ado-
rada cu tabata quere su mes casa sin
cu esai tabata berdud.

E muchu muhe a nota e seriedad
riba cara di su esposo i e tabata
teme cu quizas e por a ofende e lord
di a bini cerca dje.

"Lo mi por a molestia bo cu algo?"
el a puntra e lord.

"Aho molestia mi? Nunca. Com
por ta posible cu bo presencia a

ansia mi, pasobra bo presencia ta haci
riba mi mes influencia cu solo ta
haci riba florian".

Pero na mes momento e lord
tabata corda e noticia cu e mester a
bisa Carmen, pasobra tambe lo
tabata un inhuistica di su parti di
larga esaki den inseguridad. Pero el
a estremece riba enter su culpa.

I ta unda lo nan bai? Quizas Car-
men lo tabata spera di por a bai na
cas di su esposo. I e cohero tabata
para ta spera cu pacensi i sorprendi
Carmen a para ta mira su casa.

Armin a mira e expresion di pena.
"Bam den parque", e lord a grito
e cohero. "Bo quier bai te yu cu
mi i na camina mi tin algo di par-
ticipa bo".

Carmen a drenta e cohe sin bisa
nada.

"Adoranda di mi sof", e lord a bisa.
"Permiti mi un rato na pensa ta cohi
mi ta bai cuminsa e participacion
aqui".

"Ni siquiera bo n' puntra mi mes
ta na aqui manera m'a bini London".
E dulcissimo boz a resona manera
un musica celestial den orecanan di
Armin.

"E cos di mas esencial ta, cu bo
mes ta aqui cerca mi... Sin embargo
mi ta curioso den tur loke ta depende
di bo".

"Mi impaciencia no tabata conoce
limites; pero si acaso no ta un ope-
rtunidad a presenta, lo mi no por a
bini aqui".

"Un oportunidad?"

"Un familia Ingles rico a yera Lis-
boa, cu fama Larche de Larchiere
i despues di poco dia a muri aya e
instructriz encarga cu e yunan. Con-
gali di Lisboa a papia cun'e di mi, m'a
hanja e oferta aqul i mi a acepta.

M'a bin cumpli cu mi speranza....
m'a bini i m'a gura".

"Pober mi anochi Sin embargo largu
nos bam sinta riba un dje arbolnan
den parque bato di un dje arbolnan
magnifico, pasobra mi tin algo grave
di bisa bo".

"Algo grave, Armin?"

"Si", el a solama impacientemente.
"Mi ta e homber di mas infeliz di
mundu; pero abo lo consola mi. Bo
ta sensible i bondadosa cu ta nifica
tur cos".

Nan a sali fbi e cohe i ora cu
nan a yega na un lugar solitario,
Armin a bisa:

"M'a yega di conta bo den un di
mi cartanan cu un parti di mi ruina
tabata debi na conducta infame di
administrador dje minanan di Tre-
wyn... un tal Adam Grantley".

"Si, mi ta corda".

"Pues bien... ora cu e homber ai
a ser cohe preso i cu m'a presenta
na tribunal m'a queda masha asom-
bra di a mira e homber aqul i re-
conoce den su persona e Rev. St.
Ward".

"Sr. Ward", e mucha muhe a
tremi, pero sin fensi, quico di cruel
to por tabata den su mientidat.

"Si Sr. Ward tabata un pader
falso".

"Pero, el a casa nos, Armin....
mi ta bo muhel".

"Adoranda mi", e lord a responde.
"Lo mi a prefera morto prome cu
di bisa bo esaki".

Cara adorable di Carmen a pal-
dece. Un expresion di honor a apa-
rece den su wowonan negro. Na su
brazanan bo por a observa un
gemido debil.

E ta sigui

Pa avisa y tur correspondencia pa "Ar-
ubaanse Courant" dirighe na:
Nassaustraat 15, Oranjestad.
Telefoon 1116 Directie y Avise
1115 Redaccion y Suscripciones
Nuestro buleto di ARUBAANSE COURANT
por worde obtani na San Nicolas
na Union Store, Mainstreet.

AGENDA

Diarazon 8 di October
CINE
DE VFER 8.30: Davy Crockett and the
river pirates
RIALTO 8.00: El martir del Calvario
PRINCIPAL 8.00: Action of the tiger
AURORA 7.30: Man with the steel whip
SAVANETA 7.30: The disembodied

TAORO - MANGO juice

BOTICA DI WARDA
Botica del Pueblo

PARTERA
Zr. E.S.T. Braumüller — tel: 1355
Wilhelminastraat 22.

AIR CONDITIONING

RADIO KELKHOOM

Diarazon 8 di October
11.30 Musica varia
12.00 Lunch muziek
12.25 Nieuwsberichten
12.45 Musica Norteamericana
12.55 News in a nutshell
1.00 Musica varia
1.30 Sluiting
4.00 Musica Meicana
4.30 Cocktail musical
5.00 Agustin Lara
5.15 Los tres Ases
5.30 Mambos
5.45 Trio Calaveras
6.00 Calypso
6.15 Cumpleaños feliz
6.30 Dinermuziek
6.45 Groeten uit Nederland
7.00 Noticias na Papiamentu
7.15 Musica varia
7.30 Musica Hulandes
7.45 Nieuwsberichten
8.00 Musica Norteamericana
8.15 Cuando la Noche Cae
8.30 Conjunto Casino
9.00 Peticiones
9.30 Musica varia
10.00 Clausura

INTERNATIONAL
B. F. GOODRICH TIRES
Prijs vanaf Fl. 30.—
S. N. ECURY N.V.
ECURY MOTORS LTD.

RADIO CARACAS TELEVISION

Canales 7, 7 y 10
Miercoles 8 de octubre
7.15 Marcha oficial
7.20 Informacion sobre los progr-
mas del dia
7.30 Lo de hoy
9.30 Pelicula
11.00 Cita a las once
12.00 Show de las doce
1.15 Pelicula de largo metraje
4.00 Club femenino
5.00 Cosas de mujeres
5.30 La perfecta ama de casa
6.00 Circo en el aire
6.15 Cortos
6.45 Pelicula del Oeste
7.00 Bar Toscano
7.15 Novela Unico
7.30 Papa lo sabe todo

AVAILABLE LIGHT

500 ASA
SUPER HYVAN FILM
FOTO IDEAL
Oranjestad

KUSTERS TRADING CO.

Nassaustraat 8
8.00 El Observador Creole
8.15 Novela Palmolive
8.30 Venezuela pintoresca
8.45 Tema con variaciones
9.00 Novela Camay
9.15 Novela L & M
9.30 La revista de Bin-Ben
10.00 Bingo general
10.30 Cine-programa
12.00 Marcha oficial

y... MESKER ta drecha mi MURBELNAN

PA TUR SORTO di INSTALACION di LIGHTING FIXTURES ELINCO

Tel. 1364 - Dakota



E MIHOR LECHI
NA POLVO

Oduber & Kan inc.
Opticians tel. 2193

Pa traha un pelicula Cinemascope
nan ta usa lens „Bausch & Lomb“
I ta „Bausch & Lomb“ tambe ta fabrica e
mejor lens pa Bo Brill.
Agente:
ODUBER & KAN
OPTICONAN DEN NASSAUSTRAT No. 47

EL CISCO KID



JUAN EL INTREPIDO



DICK TRACY



RIP KIRBY



EL PRECIO DEL TRIUNFO



EL DIARIO DE UNA VIDA



PEPITA



W
A
T
K
A
N
K
A
N
K
A
N
K
A
N
A
L
L
E
E
N

REMITIDO

(For di responsabilidad di redaccion)

Apreciable Redactor di
Arubaanse Courant:

Permitimi un espacio chikito den
bo diario tan leza na Aruba. Pa mi
por dirigi e dos senjoman aqui algun
punto cu nan merece.

Senjor Francisco Croeze y Ramon
Núñez e dos personanan aki mi kier
puntra nan ta unda nan trabao a ke-
da awor, cu nan ta cana manera hen-
de morto ariba caya pariba y pabao;
mi ta corda ainda ora cu e dos perso-
nanan aki ora nan ta subi ensenario
cu asina dos boca grandi ta nan tin
dirigi pueblo. Pakiko awor boso dos
no tin un bon puesto na gobierno
aunda. Sr. Francisco Croeze abo cu
asina un boca grandi dilanti pueblo
ta grita mescos cu un leon awor mi-
ra kiko a pasa cu bo awor bo ta cu-
na sin tin trabao pa bo traha. Ta sin-
ta cu local cu bo a ofende bo a lu-
bida nan cuba miho bo bai busca un
chens na gobierno pa traha maske
ta tanto di caminda pa bo cana mas-
ke cu ta pida pan pa bo come.

Ontdekking Op
Klittergebied Herstelt
de Jeugd in 24 Uur

„Jijden aan krachtwat, zenuw-
achtigheid, wakke, onzuiver bloed, geheugen-
wakte, en ay, die oud en afgewerd aljn voor
hun tijd zullen verhoord zijn van een
nieuwe ontdekking op het gebied van
klitteren door een Amerikaansche dokter
te vermelden.
Deze nieuwe ontdekking stelt U in staat
om vlug en gemakkelijk de kracht van Uw
klitteren en lichaam te herstellen, rijk
sulver bloed te vormen, Uw verstand en
geheugen te versterken en U in slechts 8
dagen een nieuw mens te doen gevoelen.
Indedaad maakt deze ontdekking, welke
een thuis te gebruiken geneesmiddel in
aangename tablet-vorm is, klitter-operaties
onnodig en begint binnen 24 uur nieuwe
kracht en energie te vormen, terwijl het
niettemin volstrekt onschadelijk en na-
tuurlijk van werking is.
Het aneess van deze verbazingwek-
kende ontdekking, die „Vi-Tabs“ heet, is
in Amerika zoo groot geweest, dat zij
thans door alle apothekers daar verkocht
wordt met de garantie van volledige vol-
doening, of geld terug. Met andere wo-
orden, na gebruik van Vi-Tabs moet U zich
vol kracht en energie en van 10 tot 20
jaar jonger gevoelen, of U sendt eenvou-
dig het leeg pakje terug en U krijgt 17
geld terug. Een speciale dubbelletier
flesch met 48 Vi-Tabs kost weinig en
de garantie beschermt U.
Herstelt Mannelijkheid en Levenskracht

Het wonderbaarlijke gebit,
dat de valse tanden
versteekt.

GEEN PASTA'S,
POEDER OF
CREME MEER.

Het gebit SNUG is een erofm van de
tandtechniek. Het is een sensationele be-
leiding van plastisch materiaal, dat de
prijn en prikkeling van een vals of slecht
gebit verzacht. Het is gemakkelijk op
elke plaats te zetten, hoe los het ook is,
en het onderhoudt het zo stevig, dat men
alles kan eten en kan praten en lachen.
SNUG is onschadelijk: het schaaft noch
tandvlees, noch gebit. Het gebit SNUG
heeft een levensduur van twee a zes
maanden — het wordt niet hard en
daardoor schaaft het de valse tanden
niet.

Koopt een gebit SNUG bij Uw apo-
teek en verrijkt de dagelijkse moeie
van pasta, poeder en crème. Twee gebit-
ten voor slechts f. 3.30.
Agentie: B. A. LEON, Ltd. Curacao

Bo no ta corda e palabra cu bo a
yega di bisa na un di bo (reunion)
reunionnan cu a pasa. Bo a bisa ora
cu boso nan gana bosonan ta duna
tur e hobennan trabao pa nan por
traha te cu nan lo yega na un bon
puesto na gobierno. Pero awor pak-
iko abo mes no ta busca pa bo mes
traha pa bo hanja un puesto. Pakiko
awor bo no ta bai (sega) sera bo
baas cu ta maada riba bo pa duna
bo un chens pa traha maske ta cu
pik con sbobel cantu di caminda. Es-
ta pa no tin mester di cana pomada.

Boso dos no ta corda ainda con
boso ta habri asina boca grandi bi-
sa cu ora boso gana atrobe anto bo
ta largu sera mi. Pero awor ta du-
el mi mashar cu mi ta mira boso nan
ta cana ta busca trabao anto ta hen-
de na cu kier biba mi sera mira nan
awor tanto cu nan ta desea pa mi an-
to ta sinu nan ta manda.

Mescos cu bo, cu bo compaujeto
Núñez cu no sabi na unda su cara ta
para. Awor cu e tambe a perde su
trabao cu e ta gana su pida pan a-
wor e pover no sabi con e haei. Pero
promie cu eleccion bo ta mire ta core
den un pickup ben bisu cu su pechi
oranje camisa blanco dashi pushi car-
son blauw. Pero awor ta duel mi cu
no ta mira e pover mas riba es auto
ey mas. Amigo miho bo bai sera bo
baas pidi pa e busca un chens pa bo
maske ta core cu e Oldsmobile cu e
tin, si bo no baya e chens ey anto
pidie pa e duna bo un trabao suave
maske ta muha e mata di cocoonan
riba e caminda di Boulevard pa ora
es hotel bin cla ya es matanan ta
grandi cuba.

Si e puesto ey tampoco no ta bon
anto yoin bo amigo Croeze pa drenta
den es compania di nos grandi aqui
na Aruba cu nan ta yama asina. N.
D. Corp. ta asina nos ta yama aqui su
nombor completo mi ta duna bo na
mi mes palabra Nothing Doing Cor-
poration mi ta considera bo pa bo
bin traba cu ne anto boso no ta mester
di baas pa rond bosonan, pero e
prijn cu nan ta paga ta poco barata
si pero trabao si ta bon mes sin tin
mester di keha lomba. Si boso mira
bon mes anto papia cu bo cambrada
di Isla Riba cu ta traha na Sociale-
zaken pa duna boso yuinan di tera
preme cu esunnan di dje mes. Mi co-
nose bon mes e ta gusta tene Arubian-
evnan di macaco pero cu mi si e tin
miedo mescos cu pushi si e mira mi
di aleuw e ta corta caminda pa mi.
pesey mi ta bisa boso dos bai papia
cu ne anto e por duna boso dos algu-
cos di baci.

Amigonan mas aleuw mi no tin
tempo pa boso dos ta duel mi cu mi
tin cu a pone es remitido aki pa boso.
Pero mi sa ora cu boso haye boso
lo kier bin busca fons. Mi amigo
pensa prome cu bo bin pensa boso
bon kiko bosonan a papia anto bin
pidi mi dispensa pa mi no tin mester
di nada di bosonan. Weita pa otro
hiaba pa bosonan no trompica atrobe
kibra boso frenta habri e dos wowa-
nan bon hancho pa no cai.

Sr. Redactor masha danki pa es-
pacio aki den duna na mi pa mi por a
duna e poberman di comprende cu ta
nan tin falta.

Masha danki.

Boxo Amigo Arubiano.

Bo ta sinti bo manera un „Rey“
ora bo ta bebe Cerbez...
...ORANJEBOOMBIER...

Directeur-Hoofredacteur: G.J. STAARTJEN
De ARUBAANSE COURANT, te oon, ge-
geve van de N.V. Arubaanse Druk-
kerij, en Publ. Mij. en wordt gedrukt
bij N.V. Drukkerij „De Star“
Telefoon 1116. Directie en Advertentie-
bureau.
Telefoon 2116. Redactie en Abonnementen.

VOZ DI ARUBA

- Diarazon 8 di October
- 06.00 Apertura
 - 06.02 Nos Oracion di M'ainta
 - „The Lord's Prayer“
 - 06.05 Dushi Amanecer na Aruba
 - 06.15 Noticia na Ingles
 - 06.30 Cowboy Songs
 - 06.45 Mañanita Mejiara
 - 07.00 Canciones di amor dedie-
oyentan na exterior
 - 07.30 Parada internacional
 - 07.45 Melodias Matinales
 - 08.00 Voces Femeninas
 - 08.15 Melodias Instrumental
 - 08.30 Ecos di Brazil
 - 09.00 Tangos favoritos
 - 09.15 E arstia di siman
 - Pedro Infante
 - 09.30 E orquesta di awe a cargo di
Memo Salamaica
 - 09.45 Musica popular
 - 10.00 Exitos di Olga Rivero
 - 10.15 Variedad musical
 - 10.30 Compencia y dedicatorias
 - 11.00 Mambo's Merengues y M...
bes
 - 11.15 Melodias Latino Americano
 - 11.30 Jazz Session
 - 11.45 Melodias Norteamericanas
 - 12.00 Musica Hulandes
 - 12.15 Noticias na Hulandes
 - 12.30 Seleccion musical di merdia
 - 13.00 Noticias na Papiamentu
 - 13.15 Notas Anillanas
 - 13.30 Mejiro canta en su radio
 - 13.40 Novela Sangre Campesina
 - 14.00 Muziek di Oro
 - 15.00 Complaciendo peticiones "i nos
oyentes na exterior
 - 15.30 Cuando sobre el Dinero
 - 15.50 Melodias instrumental
 - 16.00 Complaciencias
 - 17.00 Felicitaciones y dedicatorias
 - 17.30 Variedad musical
 - 18.00 Bo orquesta favorita
 - 18.30 Concierto de melodias popular
 - 19.00 Servicio Informativo di Gobierno
 - Anillano
 - 19.15 Noticias na Ingles
 - 19.30 Programa La Esperanza
 - 20.00 Noticias na Papiamentu
 - 20.15 Ultimos hits del momento
 - 20.30 Frente a su Corazon
 - 21.00 Priesvraag wedstrijd
 - 21.55 Oracion di anochi
 - 21.58 Goodnight Sweetheart
 - 22.00 Clausura

Air Condition
your home

POSTSLUITING

Entrante fei 27 aug. 1958

Antigua	Dialuna	14.00	Diamars	15.30
Argentina	Dialuna	14.00	Diamars	15.30
Bahia	Dialuna	14.00	Diamars	15.30
Bolivia	Dialuna	14.00	Diamars	15.30
Brazilia	Dialuna	14.00	Diamars	15.30
Canada	Dialuna	14.00	Diamars	15.30
Caracas	Dialuna	14.00	Diamars	15.30
Chile	Dialuna	14.00	Diamars	15.30
Colombia	Dialuna	14.00	Diamars	15.30
Costa Rica	Dialuna	14.00	Diamars	15.30
Cuba	Dialuna	14.00	Diamars	15.30
Curacao	Dialuna	14.00	Diamars	15.30
El Salvador	Dialuna	14.00	Diamars	15.30
Guatemala	Dialuna	14.00	Diamars	15.30
Haiti	Dialuna	14.00	Diamars	15.30
Honduras	Dialuna	14.00	Diamars	15.30
Jamaica	Dialuna	14.00	Diamars	15.30
Martinique	Dialuna	14.00	Diamars	15.30
Mexico	Dialuna	14.00	Diamars	15.30
Nicaragua	Dialuna	14.00	Diamars	15.30
Panamama	Dialuna	14.00	Diamars	15.30
Paraguay	Dialuna	14.00	Diamars	15.30
Puerto Rico	Dialuna	14.00	Diamars	15.30
San Juan	Dialuna	14.00	Diamars	15.30
Trinidad	Dialuna	14.00	Diamars	15.30

Atencion - Atencion - Atencion

DEN UN LUNA
nos a bende
240 STOOFF DI GAS

marca:
EAGLE
Y
ROYAL ROSE

PRIJS TA NA ALCANCE DI UN Y TUR. CONDICION
DI PAGO DE LO MAS FAVORABLE

Pa mas informacion acudi na

S. N. ECURY N. V.

Tel. 1664 Playa

HOTEL COLOMBIA — Zoutmanstraat 13 — Phone 5057
In the centro of the town—Nice view of the sea—Fresh & comfortable rooms
—Nice atmosphere—Good Food—Low prices—A places to bring your friends
Cable: HOTEL COLOMBIA

TE KOOP

- 4 armstoelen met rond tafeltje
- Fl. 150.—
- 2 gegalvaniseerde waspelen
- Fl. 20.—
- 1 houten kast Fl. 10.—
- 1 leren aktentas Fl. 7.—
- Nog enige lampen, boeken,
kinderboeken, 78-tour albums
- BURA.F. 71